

西南卷



地

方

志

人

物

傳

記

資
料
叢
刊

國
家
圖
書
館
編

國家圖書館出版社

周恭壽修 趙愷楊恩元纂

「民國」續遵義府志三十五卷（二）

民國二十五年（1936）刻本

第五九冊目錄

〔民國〕續遵義府志三十五卷(二) 周恭壽修 趙愷

楊恩元纂 民國二十五年(1936)刻本

列傳三	一
忠節	一
列傳四	四四
孝友	四四
行義	五一
文學	六〇
藝術	六八
列傳五	七二
列女	七三
賢明	七三
貞烈	七七
列傳六	一〇二

節孝(一).....一〇二

列傳七.....一四六

節孝(二).....一四六

才藝.....一七〇

列傳八.....一七四

流寓.....一七四

方外.....一七九

藝文.....一八二

傳.....一八二

〔民國〕綏陽縣志八卷附錄一卷 胡仁修 李培枝等

纂 民國十七年(1928)鉛印本

秩官志.....一九三

官制.....一九三

職官	一九四
宦績	二〇二
選舉志	二〇六
科貢	二〇六
議會(附民國各學校畢業生表)	一二〇
人物志	一二三
列傳	一二三
孝友	一二〇
行義	一二一
忠節(附陣亡)	一二二
列女	一二六
節孝	一二六
貞烈	二四二
義婢	二四三
流寓	二四三
方技	二四四
耆壽	二四五
藝文志	二五四

傳	二五四
銘	二五五
墓誌	二五六
[民國]桐梓縣志四十九卷 李世祚修 猶海龍等撰	
民國十八年(1929)鉛印本	
秩官志	二五七
職官	二五七
名宦	二七五
土官	二八九
選舉志	二九二
舉貢	二九二
學校畢業	三〇四
薦辟	三〇七
議會	三〇七
人物志	三一〇
宦蹟	三一〇
文苑	三一八

忠孝	三二六
忠烈	三二六
孝友	三三一
行義	三三五
列女	三四一
賢淑	三四一
貞烈	三四三
節孝	三四七
耆壽	三五六
流寓	三五九
方技	三六一
方外	三六一
技藝	三六三
「光緒」續修正安州志十卷 清・彭焯等修 清・楊德 明等纂 清光緒二年(1877)刻本	
職官志	三六五
秩官	三六五

兵防	三七三
名宦	三七四
師旅	三七九
選舉志	三八九
甲科	三八九
五貢	三九〇
仕宦	三九二
世職	三九三
武科	三九三
軍功保舉	三九三
人物志	三九五
封典	三九五
鄉賢	三九五
孝烈士	四〇一
烈士	四〇二
烈婦	四〇四
孝烈婦	四〇五
烈女	四〇六

昭忠……………四〇七

友義……………四一一

隱逸……………四一二

孝子……………四一二

節孝……………四一四

孝婦……………四二二

賢婦……………四二三

篤行……………四二四

異能……………四二六

耆士……………四二六

耆民……………四二七

壽婦……………四三一

仙釋……………四三三

流寓……………四三四

土司……………四三四

藝文志……………四三六

墓誌……………四三六

〔民國〕婺川縣備志存十一卷 婺川縣修志局彙輯 一

九六五年貴州省圖書館油印本

宦蹟……………四四三

節婦……………四六五

〔光緒〕湄潭縣志八卷 清·吳宗周修 清·歐陽曙

纂 清光緒二十五年(1899)刻本

秩官志……………四七一

官制……………四七一

職官……………四七二

名宦……………四七七

人物志……………四七七

選舉……………四七八

鄉賢……………四八七

宦蹟……………四八八

列女……………四九〇

流寓……………五〇一

仙釋……………五〇二

方技	五〇三
忠烈(附陣亡)	五〇三
孝義	五一〇
藝文志	五二三
傳	五二三
〔光緒〕增修仁懷廳志八卷首一卷 清·崇俊修 清·	
王椿纂 清·王培森校補 清光緒二十八年	
(1902)刻本	
職官	五一七
文職	五一七
武職	五二四
選舉	五三〇
進士	五三〇
舉人	五三〇
貢生	五三一
武舉	五三四

徵辟	五三四
廩貢	五三四
職銜	五三五
政績	五三九
人物	五五六
宋	五五六
明	五五六
清	五五九
貞節	五六七
明	五六七
清	五六七
殉難	五七七
陣亡	五八三
仙釋	五八九
人瑞	五九〇

續義府志卷三十一

列傳三

忠節

宋烈非國家之福節義豈生人之幸語誠有之事亦宜然國家立國二百餘年生者養死者葬仕者榮及身家寧知有殉城殉難之事自咸同兩朝變亂大起士大夫之奮身鎗刃腦血狼藉橫死不惜雖編戶之氓不飽冊籍而甘以飲刃饋血者比比也是不必以死難立教而人之自軌不敢顯犯誠沐聖賢之道漸習使之然也寧有他哉彼異懦自誅背氣節平時遇

續遵義府志卷三十一 列傳三 忠節 一

難則拚嬰念身家求其慷慨不失馳驟者眇矣此自入於悖惑於人何尤若蓋忠崇志抗節盟心概儕諸鴻毛糞壤不得與正義同光甚非所以激勸人心也茲除唐威恪趙訓導裁入通傳外特立忠節一門俾處顛沛者得以觀型亦藉以規世運之隆污焉

遵義縣

蹇 諤 字一士崇祀鄉賢臣長子臣已有傳諤之

生其母唐禱於神夜夢神綳一嬰至既生性沉毅寡言童子已譽成人讀書敏悟能識大體為文下筆立就年十六補學官弟子員中道光丙午舉人兩赴禮

部試不售就大挑二等快歸咸豐四年桐梓令以

糧苦民眾憤聚為亂有楊鳳為之倡一呼而據縣城執令縛其衣縛至婁山釋去遂洶洶犯郡城據雷臺山遣其徒四犯取仁懷奪綏陽陷正安爛漫四縣地皆賊蹤初兵團皆望風靡賊勢益甚環郡城四山皆賊棚脅官弱而誰何雲貴總督羅繞典至城乘闖而闖賊為之戚然未幾積勞歿縣丞陶履誠參將寶山出北門擊政戰死提督趙萬春率兵至螺螄堰布政使炳綱以兵紮息烽不敢進諤以謂賊耳不足平身往南鄉激說眾得百餘人從擊賊乃詣何蕩堂張

續遵義府志卷三十一 列傳三 忠節 二

晉自昭渡烏江陳說賊情萬春乃移營距城十數里之忠莊里時賊目李時榮稱七王以千餘人搜牢南鄉迫民脅糧秣至龍坪首人畢某給至水口寺佯應之而飛牒於官諤率團練至一晝夜兵團圍之數百人持束草至壩寺宇而焚之賊盡殲突出生擒斬者三百餘人自稱亂以來未嘗有是人皆以為快而賊始知人之能殺已諤自是嘗以團練遏賊於馬家河賊以金錢山為重屯厚積聚於東隅里數場委員葉如松守備王敦倫率兵五百人繞蝦子場鈔其後至櫻桃壩為賊所扼諤乘間走中坪焚賊糧順奪羊耳

垣既會如松敦倫約以兩路奪金錢山如松以東路取石巖頭再進為賊所挫謬與郡守朱右曾出婁子坎以攻其右賊伏截東路而傾眾於右相持且不測謬白右曾出奇繳柴草焚而勝果大捷賊既失金錢又被焚諸積聚時川兵大集下游兵勇而毅遂踏雷臺鳳竄西謬之功居多明年楊鳳授首石阡餘黨舒大由婺川湄潭上竄謬迎擊於大溪里又敗之竄上場生擒之制於法於是捕餘孽查還產佐守令治諸善後是年十月桐梓餘匪鄒神保復起為亂圍縣城寨婁山關以抗郡兵謬率團練援勦復婁山關解桐梓七晝夜之圍阻大股由梳匠棚趨高坪陷遵義之謀痛念非除遺孽搗毀巢穴不足以斷其根株於是營城外進勦黎魚壩又進木上林箐深窵無敢前身先之賊伏三面突出左右僅數人力戰後隊至賊敗去遂進屯柿岡賊數千大至謬分軍為三已當其右山路陡峻騎不能上舍騎擐登僅二十人隨諸隊迤後行未半里伏突起中左兩軍皆退賊萃於右廐迫殺傷皆盡謬揮刃殺二賊曰力竭矣遂遇害據表傳謬年三十有二陣歿後屍未獲月餘訪知為近村王叟棺而瘞藏至是乃出喪扶返里門桐民送者數千

人道路祭者踵相接婦孺執香遙拜多為泣下既歸其弟閻等易棺而齎顏色如生面受石傷五偏體刀矛傷七在頸及腹二傷皆洞穿吁亦慘矣謬初以功得知縣既當書者上死事追贈道銜世襲雲騎尉以恩騎尉罔替祭葬銀兩如例准於死事地方建立專祠六年鄉人與同殉之武舉池蓮培及先殉之知縣陶履誠遊擊寶山並祀於文昌宮後為四忠祠云謬能詩工書著作多燬於兵燹所存惟秦晉游草已刊行子念典進士另有傳念猷與典同科舉人山東直隸知州念勳舉人光祿寺署正據行狀

池蓮培子應璧縣南芭蕉溝人字鶴齡道光庚子武舉以千總歸遵義協標候補平溫水穆逆之亂積功晉秩補南籠都司未赴任值楊鳳亂作與蹇謬張源等率練討賊連敗賊於馬家河帽盆山越咸豐五年鳳黨鄒神保復煽亂圍桐梓城知府楊書魁踵門強之行復偕謬往援謬至柿岡敗歿後五日賊回逼城蓮培出戰於李家灣油草坪亦死之是年十一月二十八日也死事上聞照例給雲騎尉世職九年里人請與陶寶塞建祠合祀得旨報可令祠在文昌宮後仲子應璧號樹山接統其眾轉戰龍坪團溪等處嘗

有功後屯南鄉白沙水團營十三皆潰獨應壁全師
歸復與長勝營同援東鄉太平場以寡勝衆遠近詫
為奇績積功晉游擊卒年三十有奇

杜芳壇 縣北人字杏園道光丁酉副貢署黔西州
學正任甕安縣教諭皆有聲咸豐四年楊鳳亂遵義
從平越知州邵洪儒勦辦綏陽一路事平論功晉知
縣加六品銜賞藍翎將赴京引見適施秉黃平清平
八寨相繼亂起皆與甕安逼近知縣吳德容留襄軍
務屢以計破天文山賊六年以卓異薦七年德容調
荔波劉昇平權縣事不習軍備五月天文賊破牛場

續遵義府志 卷二十一 列傳三 忠節 五

圖縣城先是燈花教首宋三元已擒繫獄而城人之
陰習其教者懼三元事洩累已因相率乞昇平出三
元和賊芳壇屢爭不聽比三元出遂約麻哈沈鐘合
諸教匪來助初破牛場時芳壇即遣子雲木繩木女
婿唐起中微服行雲木獨不去從守東城十五日賊
攻益急陣民愈無守志夜多散歸三更許老門斗踰
跟奔告曰城破矣縣官盡忠矣芳壇遽返署謂其妻
女子婦曰今城已陷吾力不能守職當殉若輩士族
妻孥豈受賊污且視若輩得死所吾乃死耳於是妻
楊氏攜次女子婦尹抱孫女適唐抱外孫以次投署

前桂香池芳壇指書胸次曰宋三元飛出方城耻之
耻之乃授命年四十四子雲木痛絕無可為計亦躍
池死僅長女抱外孫以躍處水淺得生方教匪之攻
城也會遠商以精壯三百護貨宿城中見城圍急以
惜貨故獨出死力當衝適太平里赴援團練亦至一
時機銃雷鳴與呼殺聲相應不斷遂至門斗誤報芳
壇誤殉良可哀已據即亭撰傳死後城猶完文報不敢從
實後乃上聞授例給雲騎尉世職靈柩回籍准其入
城治喪芳壇學問淹博與鄭莫兩徵君交善府縣月
課三書院生童有不知題解者叩於鄭莫輒謝之曰

續遵義府志 卷二十一 列傳三 忠節 六

往問杜瘋子芳壇嗜酒故以此戲呼云子繩木本名
域後以諸生從軍綏陽城復積功保訓導家傳
張源弟 涇梧村人廷杰子廷椿姪與弟湛同遊
庠廷椿另有傳咸豐朝舉匪倡亂廷椿出理地方團
務逮甲寅稀麻破桐梓據雷臺山逼郡城源見亂日
迫出助廷椿練團隨蹇謬何藹堂晉自昭渡烏江迎
提督趙萬春勦賊與謬同督團練初敗賊於中平場
再焚燒多賊於水口寺越數歲隨署知縣江炳琳平
深坑螺嶺諸賊匪論功晉知縣分發廣東時粵匪正
熾總督勞崇光委源籌餉計開建縣賊城復署縣事

隨辦海豐等處招撫通髮匪陷西甯縣崇光檄源帶兵克復西甯城復權黜事賊走陷羅定州奉檄往援軍南抵連灘中賊仍回陷西甯閭家驚走源安壽氏殉節署中崇光嚴限克復軍回南豐突與賊戰受重創城復後越三月傷不合遂亡崇光以死事聞上諭照軍營立功傷亡例賜卹蔭一子入監讀書該故員墊饗着粵藩籌還以示體恤弟涇武生楊鳳逼郡城廷椿練團遣姪源偕塞謬營馬家河防賊竄涇源源往賊竟繞至涇身先士卒摧挫賊鋒人多以此重之後江炳琳死兩路口池應璧戰小馬坎無役不從

續遵義府志 卷二十一 列傳三 忠節 七

積功至五品軍功賞藍翎越同治改元壬戌秋初復隨署副將劉元勳攻大悲場賊帶隊衝鋒身受銃創子未取出延至癸亥三月傷發口裂流血升餘死楊安邦 永安里板橋人邑武生咸同之亂襄鄧步高建水牛城寨勞怨不辭卒能捍患桑梓始終保全其子國華亦武生以千總入營効用初隨副將張萬樞其後隨安邦團勇攻吳元彪被困於獅子口糧盡援絕全軍覆沒國華亦及於難

皮文炳 字虎臣縣南濫泥橋人道光乙酉舉人大挑二等授郎岱廳學正遷恩南府教授同治改元賊

氛四熾南鄉為最文炳告歸督團禦賊會粵匪竄濫泥橋文炳截擊殺十餘匪以寡眾不敵為匪所執罵賊不屈死舉家殉難者八人僅子紹德脫險實是年八月初十日也事聞贈都察院經歷銜照四品官以下陣亡例賜卹給雲騎尉世職孫九畹龍職

甘必大子某字子蕃子超字定侯 字平泉平水里人必大性豪邁有辯才里有爭端多得一言以解常理團溪團務有華翁拾道旁遺金不持歸坐待失者其人反得金喜以去次日以翁長者可欺踵門曰吾金有失若當償遂百言不可釋走白之團必大叩翁

續遵義府志 卷二十一 列傳三 忠節 八

拾金狀又叩得金者何雙言其人曰數還却少差且沒去金飾必大曰若詐而翁直此非若金當尋有金飾者翁拾金數既殊乃他人物遂取以付翁其人服乃乞去凡剖事銳敏多類此時苗匪破黃平餘甕皆賊必大始派丁練團凡南鄉事官皆委畀之賊後至團溪殺知縣江炳琳團遂潰繼副將李榮敗賊於深溪水賊自驚却去羊巖河趙廷瑗起議聯團逐之時舉人黃文彬諸生徐漢霸黃孝理等皆從必大長子子蕃於賊渡河時已死於賊固憤賊偕次子超亦來遂同謀擊賊及至河坪必大以功擢訓導既而必大守

西坪之大公營防涓潭綏陽之要隘團練有趙開者
資力過人賊憚之陰遣結開事為必大所知斬開其
黨共街之壬戌廷瓊死必大知賊將大至屬趙偕徐
漢霄聯團為保桑梓計八月賊果大來父子並遇害
事聞必大贈國子監學錄銜給雲騎尉世襲入祀昭
忠祠

劉仕宦 永安里人以諸生理團務頗能捍患同治
四年乙丑王超凡遣黨圍黃鐘山寨仕宦率團往援
至則無賊徑入寨四面伏起圍攻困守半月會天旱
水涸糧空食盡賊入寨降仕宦寧死不從甘心受刃
續遵義府志 卷二十一 列傳三忠節 九

遂殺之團練數百人半死於饑半殘於賊生還無幾
事聞追贈知縣給雲騎尉職世襲

雷覺世 字曉園縣北沿村人道光乙酉副貢官施
秉縣教諭告歸旋里同治改元閏八月粵匪竄永安
里沿村覺世集團堵禦匪啣之走圍其家執覺世逼
之降覺世笑謂曰吾家仕宦受國恩深寧斷吾頭不
易吾節匪解其尸以洩忿八年以死事上聞追贈國
子監學錄銜給雲騎尉世職入祀昭忠祠孫正作襲
職

沈休徵因貢 同族三萬 均縣南白泥堰人休徵家

殷實族繁多見世亂日熾皆出理團務毀家募練以
衛鄉閭凡閭隣有急輒爭赴援同治四年春殺人王
王超凡圍縣東東昇寨久不去寨眾力守求援休徵
等督練赴援遂與賊遇交鋒失利陷陣遂亡練勇死
傷過半十二年黔撫曾璧光稟聞於朝准照外委陣
亡例賜卹給雲騎尉世職 三萬初入資得布政使
理問銜家豐厚不與外事及咸豐朝亂日熾地方官
飭籌餉募練以衛桑梓設局龍平九年冬仲號匪自
團溪趨龍平入團營適三萬因公在局賊夜至殺之
棄其頭事後尋之不得具衣冠以葬光緒九年黔撫

續遵義府志 卷二十一 列傳三忠節 十

上其事於朝贈知州銜給雲騎尉世職孫椿昌襲職
李上元 弟上貞 孫文彬 上元貢生上貞文彬均
縣忠莊里人同治改元冬苗號兩匪由天旺趨忠莊
里焚苟江水場上元倡鄉團自衛遣其弟上貞與蔣
安童督團抵禦被擒不屈死上元文彬以團練營沙
岡坡二年冬號匪復至陷營上元陣亡文彬被執罵
不絕口賊怒以鎗擊之頭破腦迸出死事上聞照外
委陣亡例給雲騎尉世職

傅修之 縣北海龍壩人歲貢生同治改元壬戌閏
八月粵匪攻城不克漸擾海龍壩修之以母年高不

忍忍去及母為賊執修之救護情急匪殺之母亦罵賊死

楊子英 縣北鄉人貢生遇亂奉母居永和寨同治四年乙丑春仲賊魁宋玉山破寨子英自負八旬老母上避三層巖至青木山遇賊逼降不從賊殺之並及其母

徐翊唐 字堯臣縣南平水里人道光己酉舉人為廉正不苟趙廷瑗前統聯團軍時翊唐為籌餉司出納無絲毫紊軍用常充人樂為用以此賊多悉其名遠同治改元壬戌春廷瑗死賊偷渡九皇渡黃灘

續遵義府志 卷二十一 列傳三 忠節 十一

聲言復趙軍仇時平水一帶團防皆為賊潰翊唐隻身走避梧村未至天晚宿龍坪糧局賊夜突至見之識曰此徐舉人也用鐵竿煨紅納大臙中慘死

閔大鐸 李秉芳 均縣人大鐸以吏目隨知府楊書魁勦賊積功晉知縣秉芳武庠隨營出平楊鳳亂以外委歸遵義協標効用咸豐五年均從書魁征桐梓賊鄒神保同賞藍翎六年書魁奉檄護貴東道以大鐸率練勇三百人往從秉芳副之八月初八日軍抵江口閔家場苗匪率眾突來攻眾寡不敵書魁被擄大鐸秉芳皆陣沒七年巡撫蔣蔚遠以聞大鐸贈

道銜秉芳照外委陣亡例各給雲騎尉世職皆入祀昭忠祠

孔廣燮 縣西鄉人嘉慶癸酉拔貢幼失怙恃性情瀟灑嗜音樂遊戲諸細事不專意於學汗漫遊至滇總督百齡見而異之詢係內孔勸其奮勉轉播就學遂歸改節發憤不十年獲選嘉慶癸酉拔貢選恩南府訓導會咸豐末苗匪攻陷府城廣燮躍入泮池死節

馮謙 字湛溪縣城東人庠生才具英敏慷慨好論古今事篤內行居母喪哀毀侍兄聖泉疾三月不

續遵義府志 卷二十一 列傳三 忠節 十二

解帶亂起翼辦城防乙丑十一月初四日賊由府後山梯城入殺軍功余文放火燒城棚趨北門而下時守陴日久眾力疲且玩寇謙深夜見火光急出督兵禦賊行未抵城北門突遇賊數十至以刀砍從者先受傷大呼馮曰我傷矣不能顧主矣賊聞疑為知縣馮澍眾攢刺之後尋尸指爪盡翻棺殮時妻劉氏以頭觸棺誓不欲生遂同死巡府張亮基案案奏聞援例給雲騎尉世職謙無子姪元寶廩生嗣襲其職附蕭光遠書馮茂才殉節事馮生名謙字湛溪乙丑十一月初四夜賊入城巷戰死之子訪其事賊

由府後山梯而上殺軍功余文放火燒城棚分股而下城守日久力疲且翫寇夜深半酣睡生時檄辦城防見火光急督團丁載子藥堵北門未及城突遇悍賊數十奪賊刀指爪全翻羣賊攢刺之登時斃命衆丁散歸喊報城中倉皇禦賊太守倪公協賀公防西南角馮縣主駐東城樓李都司蔣守備武弁某某團首某某各於要害施銃礮堵截斃賊數人相持不下黎明各團大集賊始敗退是夜北門內延燒三百餘家因雨甚火光不上燭故外賊不敢動晨刻賊大股來攻何參將之援軍已抵

續遵義府志 卷二十一 列傳三忠節 十三

城安耀兩營踵至城守始完先是生連與予書談地方事痛哭流涕故其死予甚憫之或曰秀才無官守是故可以無死者生不更事草草一死可惜予曰嘻子言過矣天下之亂皆由於人各惜死將不死綏士不死伍乘守土不死城邑聞驚先馳賊退報收復茂才奉一檄耳晝夜登陴惟恐曠職至以身殉儻擔爵荷祿者皆若是何城不可保何賊不殺乎孟子曰可以死可以無死死傷勇林氏以子路死衛當之子最愛安溪李氏云論語若無若虛章曾子懷顏淵下章懷子路則仲氏結纓而死

正託孤寄命臨大節而不可奪之概衛人諡軌為孝則亦當稱子路為忠例之傷勇恐未深考方城之初陷茂才徇於衆曰放火是賊長技及時撲滅城尚可保率衆而往奮不顧身此人生得乎天地之正氣不可屈撓大節凜然猶謂可以無死將世之賒死生得援以解免不幾於名義有害乎軍興來予門人王生燦奎鄢生正達袁生先之尹生三春沈孝廉晉光軍功唐春宋瑣皆見危授命槍擻一紀大刼宜滿湛溪其殿乎湛溪自應童子試即知名黃宗師取冠軍入庠才英敏好慷慨論古令

續遵義府志 卷二十一 列傳三忠節 十四

事篤內行居母喪哀毀侍兄聖泉疾三月不解帶其死也妻劉氏以頭觸棺誓不獨生家人守護竟不食數日卒太守倪公矜憫為作小序題節烈同昭四字旌之季父子玉孝廉以詩哭之同人屬和予避地蜀都其兄子和震九寓書告哀太息而書其事云

劉世勳 字柱臣平生好劍術值黔亂起棄學從軍累功疊遷補歸化營都司咸豐朝隨征苗教匪有功晉本營游擊當花翎迨同治甲子克復開州要寨救出難民晉參將是年冬復與匪戰於州屬燕子哨賊

衆兵寡陣亡黔撫入告照例給予雲騎尉世職

徐漢爵字玉屏縣南平水里人庠生趙廷瓊募練

禦賊漢爵當佐軍及廷瓊卒鄔德全接統防禦遂弛

向宗漢軍九皇渡兵多思銅人暗結賊漢爵知不可

恃退而與甘超黃炳坤聯團於西坪團溪間為自衛

計迤邐二十里依山作寨無賊則出耕作賊至則入

寨堡賊若攻刼則彼此遞擊之布置甫定向軍遽誘

賊渡九皇渡德全疾鞭馬入城漢爵蒼猝率團卒禦

之至西坪黃土堰遇賊陣亡死後尋尸未獲所結十

三峯悉為賊破凡團皆各首及丁壯婦女之被害者

續遵義府志卷三十一列傳三志節十五

不可勝計僅存池應壁團營事聞照外委例給雲騎

尉世職

任祥麟王燦奎祥麟字聰漢縣東里人燦奎縣

北里人均庠生成豐甲寅楊鳳據雷台山祥麟燦奎

禦賊通平里苟光珍督團屯櫻桃坳逼之賊有繞至

洪江者祥麟等率團往會密謀圖賊為奸民洩其謀

賊黨遂伏土地坳俟之歸中伏與任泰興等同遇害

團丁無一生還事聞各照外委例賜卹給雲騎尉世

職准於苦棟寺建義祠祀死難團民燦奎子平章襲

職

劉天駟字位南縣西天旺里錦屏人庠生生有膽

畧不避艱險同治四年乙丑署知縣馮澍檄往南鄉

南衙壩祝家寨招撫唐麻六簡元淵諸偽帥至則陳

說利害侃侃激昂賊皆動容以弛然忤賊魁宋玉山

意怒而殺之同治十年御史譚鈞培以事上聞援例

給雲騎尉職襲次有差

周維垣廩生縣西天旺里人襄辦舉人羅燦奎團

務以勦賊功晉知縣咸豐十年粵匪竄黔西維垣偕

姪繼謨解糧經新場猝與匪遇叔姪皆死難事聞贈

卹如例

續遵義府志卷三十一列傳三志節十六

陳安邦縣清潭里人庠生素有品學為鄉人所仰

重同治改元冬黃號賊由九皇洞偷渡分擾清潭里

時安邦握團務督團禦於大興寺賊不得逞復集大

隊圍之團衆見勢盛勸暫避賊安邦不從卒為擒視

死如歸

辛權縣南人咸豐八年以諸生從知縣江炳琳

至螺蛳勦賊季冬朔九日進攻馬嘴炳琳負創權力

救死之

黃德中東昇若人庠生黃號賊殺人王王超凡陷

砦德中被執不屈賊殺之北跪受刃死極慘同時團

丁黃廷輝被擒不從自割喉死李秉絃獨力抵禦賊擒之斃目死

胡世勳 縣西沙溪里人庠生同治二年白號賊竄沙溪避居麥口洞九月賊以薪攬辣椒薰突又伏地雷轟以攻勢不能支洞衆出降世勳誓死弗從罵不絕口賊殺之舉家子女皆及於難

姜驥 縣城人庠生楊鳳據雷臺山逼郡城驥出理團務盤緝奸宄極為認真黃白號擾縣境襲郡城驥皆襄助團務不憚煩勞越同治丁卯復鄉闈初秋廿二日赴省應試行抵排紗鋪遇賊被執逼投順則

續遵義府志

卷二十一列傳三忠節

十七

免驥曰嗟乎若順賊可生何至今日也令不求生求合義而已賊遂殺之

王文秀 監生握團務悉賊情劉嶽昭軍圍攻綏陽大山寨賊金子壩諸賊將應援嶽昭檄遵義東隅王屏寨團衆遏之俾王文秀偽投大山寨賊謀內應事洩賊殺之後屠其家

陳紹先古州鎮遊擊 李上桂古州鎮把總 張起雲溫水汛把總 徐鼎標 趙秉忠 黃天章 均遵義協把總 雷萬年平遠營把總 年春桂黔西營外委 顧大成古州鎮外委 熊太遵義協外

委 李如彪遵義協額外 吳秀山候補千總 宋

德山候補外委 皆郡人咸同兩朝遭髮號兩匪亂各率兵練堵勦先後沒於陣題准各援例賜卹悉入

昭忠祠

上十三名僅據昭忠祠牌位檔冊無稽

梁獻廷 號修之縣北永安里人家素業儒有以科名顯者獻廷知世將亂不拘拘於文藝每功課閒餘講習武備日久技益精文武試並應己亥科登武鄉榜經兵部驗放以千總歸遵義協標補用積功晉獨山州守備咸豐十年粵匪竄黔邊撫軍知能辦賊越級超遷護理長壩營游擊甫抵任匪趨貞豐州督率

續遵義府志

卷二十一列傳三忠節

十八

千總阮登雲帶兵出御戰於五里崗衆寡不敵同亡於陣匪遂走歸化分攻永甯廣順兩州城黔撫以聞於朝照遊擊陣亡例賜卹給雲騎尉職入祀昭忠祠無子以姪方諤嗣襲職署銅仁協守備孫炳燧官雲南知縣

李正桐 縣北大溪里人乙未恩科武舉平越營千總護守備咸豐十年正月廿七日何得勝圍州城正桐出擊不利力竭陣亡城隨陷全家殉節事聞給雲騎尉職世襲孫登雲襲職

劉位邦 包玉元 楊定國 毛貴 馬朝綱 雷